

錢氏考古錄目錄

卷二

猷 九隴 璋 珍 毅 元修 孝憬

昂 令緒 光演 節 嘉會 國養 少陽

堂 知微 義方 師寶 仁昉 起 竽

箕 恂 景秀 徽 可復 方義 于辛

子濤 眾仲 宗 華 處實 李榮 異

懷 庄 陽詮 惠 缺名 士元 元頓

頊戴 惟口 信士 徹 儒 殷 缺名

緒 睦 慤 珪 直 公亮 廣

真 成 元榮 雅 揆 卿 判官

知進 珣 碩 亶 沛 宙 寬 芸生

字 契明 時卿 戡 汝州 太尉 雍

錢公 珣 道士 朗 爽 顏 若愚

亮 棲業 鏢 鏹 傳璟 傳瓊 儼

元懿 元弼 元璫 元珣 元璟 元球 元瑾

仁捷 文奉 文殷 連 章仁 師勇 德安

琛 明 金 缺名 安 武 仁口

仁保 承德 超 珣

卷二

古今雜目驗

錢氏考古錄卷二

海甯錢保塘編

錢嘏

大宗譜傳開國子錢公諱嘏字貴章綏安侯之襲子

公在髫齡間暗誦六經甫學為文有驚人語少失指衰毀

過禮事母以孝聞陳至德中詔徵甲門子弟補本部書簿

移長沙王法曹參軍以功加右衛殿中將軍歷晉安縣開

國子既而歎曰道之不行時耶命耶鶴鶴鼯鼠不過一枝

與盈腹足耳遂隱林泉隋大業中海寇侵掠郡邑公仗義

率眾守禦境賴以安唐貞觀十九年疾終於私第年七十

有三娶夫人武康姚氏生三子曰元修曰元裕曰元師公

與夫人合葬附先人綏安侯墓側

全唐文
羅隱文

錢九隴

舊唐書傳錢九隴本晉陵人也父在陳為境上所

獲沒爲皇家隸人九隴善騎射高祖信愛之常置左右義
兵起以軍功授金紫光祿大夫及尅京城拜左監門郎將
從平薛仁杲劉武周以前後戰功累授右武衛將軍其後
從太宗擒獲竇建德平王世充從隱太子討劉黑闥於魏
州力戰破賊策勳爲最累封郇國公仍以本官爲苑遊將
軍貞觀初出爲眉州刺史再遷右監門大將軍十二年改
封郇國公加食廬州實封六百戶尋卒贈左武衛大將軍
潭州都督諡曰勇陪葬獻陵 劉文靜傳武德九年十月
太宗始定功臣實封差第錢九隴食四百戶新書見
裴寂傳許
敬宗傳敬宗嫁女與左監門大將軍錢九隴本皇家隸人
敬宗貪財與婚乃爲九隴曲敘門閥妄加功績并升與劉

文靜長孫順德同卷

新書同

皮光業武肅王廟碑殷朝錢祖仙萼分枝唐代鄴公靈源

真派

會稽掇英集

吳越備史武肅王唐武德中陪葬功臣潭州大都督巢國公九隴八代孫也

唐會要神龍二年七月制功臣錢九隴等二十五家所食實封並依舊給

大唐新語九許敬宗納資數十萬嫁女與蠻酋馮益子及

監門將軍錢九隴

案九隴下當脫一子字

新唐書傳錢九隴字永業湖州長城人父文彊爲吳明徹裨將與明徹俱敗彭城入隋以罪沒爲奴故九隴事唐公

善騎射常備左右兵起以功授金紫光祿大夫從戰薛仁
杲劉武周擢累爲右武衛將軍從平洛陽佐皇太子建成
討劉黑闥魏州力戰破賊以功最封郇國公以本官爲苑
游將軍貞觀初爲眉州刺史改巢國卒贈左武衛大將軍
潭州都督諡曰勇陪葬獻陵 忠義李愷傳後德宗卽位
錄武德以來勳名特高者以三等條奏左監門衛大將軍
巢國公錢九隴居第二等

錢瑋

見上九州廟碑記

錢珍

同上

錢毅

李嗣真書後品下上十三人列錢毅評曰錢氏小篆

飛白寬博敏麗太宗貴之

錢元修 太宗譜傳揚威將軍錢公諱元修字文通開國子

之長子性淳謹篤厚甘澹泊以清白自守唐貞觀五年策
試通經補長興縣博士七年詔天下貢民氏族源流公錄
家譜詣郡與沈懷遠等數家連保京師唐永徽二年陳碩
真謀逆朝廷詔鄰道討之吳興郡守李杭辟公議事公遂
請兵擊寇勦其餘黨郡守奏其功拜高平太守揚威將軍
以儀鳳二年疾終葬附祖綏安侯戍山墓側娶夫人高平

徐氏生二子曰孝憬曰孝本

全唐文
羅隱文

合五原石鼓風雨

錢孝憬 太宗譜傳富春公錢公諱孝景字希貞一字定方
揚威將軍長子幼聰慧書通八體射穿七札耽玩典籍工
於詩歌一觴一詠爲縉紳所重年十六以門蔭授富春尉

公以奕世勳閥族門鼎盛當大唐創業之後是天下進賢之時公獨忘情簪笏雅志高尚十辟三公府再以五品徵雖羔雁繼來簡書交至而公終懷止足高尚不屈放情巖谷思全真璞以爲臨安土厚水清包含正氣石鏡居前光分數里苕谿處後波漾十尋九州之廟貌儼然二月之芳踪宛在加以金鏞之梵宇禪宮秦王之車轍馬跡羲之獻之之遊處主領猶存郭生銓定之真風喬松尚翠李八百隱居之地唐君房仙去之壇公識達仙機心通物表仰察盡天文之變俯觀知地理之宜乃相縣之東南茅山之下躬遷祖宅自此移家俾子孫大震家聲百代之後以我爲宗故號茅山祖時浙帥錢塘郡守表公世德堪佐聖朝詔

赴闕庭將加大用委州縣長吏備禮以迎羣心叶慶共俟
寵光如何天違福善之祥奄有壞梁之歎忽縈疾恙俄以
壽終年七十有二附葬綏安侯祖塋戍山之原娶夫人瑯
琊王氏生七子曰師寶立義立權立琬師慶師整師道上

錢昂

劉燕庭金石苑華陽唐永徽元年二月益州學館廟

堂記碑陰有

縣令吳郡錢昂

錢令緒

撫言別頭及第始於上元二年錢令緒鄭人政王

悌崔志恂等四人亦謂之承優及第

錢光演

山西通志玉免寺在浮山縣西南十里唐萬歲通

天二年建玉免觀于其地長安二年河東路巡按使刑部
尚書李景副使王永署平陽守錢光演同遊觀中

錢節 會稽掇英總集十八唐太守題名記錢節神功元年

自揚州司馬授蔡德讓大足元年自廣州都督授按據此則節任

四年也

錢嘉會 通典四十三郊天下開元十五年太常博士錢嘉

會上議曰准月令及祠令九月農功畢大享五帝於明堂

貞觀及神龍皆於南郊報祭中間寢廢有虧祀典准孝經

宗祀文王於明堂以配上帝請每年九月於南郊雩壇行

享禮以睿宗皇帝配從之文獻通考七十七十八同

錢國養 歷代名畫記錢國養開元時人善寫貌海內推服

唐朱景玄名畫錄能品中二十八人有錢國養花木

畫拾遺錢國養衣裳凡鄙未離賤工格律自高足爲出眾

佩文齋書畫譜引

名畫記九錢國養開元中善寫貌海內推服竇云衣裳凡鄙未離賤工格律自高足爲出眾彥遠云旣言凡鄙賤工安得格律出眾竇君兩句之評自相矛盾

錢少陽 李白贈潘侍御論錢少陽詩繡衣柱史何昂藏鐵冠白筆橫秋霜三軍論事多引納階前虎士羅干將雖無二十五老者且有一翁錢少陽眉如松雪齊四皓調笑可以安儲皇君能禮此最下士九州拭目瞻清光 又有贈錢徵君少陽五言律一首

錢堂 卓異記成珪者唐天寶初爲長沙尉部送河南橋水始至揚州累遭風水遺失差眾揚州所司謂珪盜竄其木

拷掠行夫不勝楚痛妄云破用揚州轉帖潭府時班景倩
爲潭府嚴察之吏也長沙府別將錢堂楊覲利其使與景
倩左右構成景倩使覲來收珪等

太平廣記
一百十一

錢知微 酉陽雜俎天寶末術士錢知微嘗至洛遂榜天津
橋表柱賣卜一卦帛十疋歷旬人皆不詣之一日有貴公
子意其必異命取帛如數卜焉錢命著布卦成曰予筮可
期一生君何戲焉其人曰卜事甚切先生豈悞乎錢曰請
爲韻語兩頭點土中心虛懸人足踏跋不肯下錢其人本
意賣天津橋紿之其精如此

錢義方 集古錄跋尾唐鹽宗神祠記錢義方撰余讀義方
所記云若陰陽調和鬼神驅造不勞人而擅其利與夫鑿

泉煮泉煮海不相爲謀由是知唐世鹽非營種爲決可信
義方大厯時爲權鹽使

墨池編十六鹽池神祠新記錢義方撰大厯中

錢師寶 大宗譜傳錢公諱師寶字道珪孝憬公長子童時

通孝經論語嘗語親曰用天之道分地之利謹身節用以
養父母此聖人之至行也吾日三省吾身爲人謀而不忠
乎與朋友交而不信乎傳不習乎此孔門之高節也惟此
二者吾庶幾焉遂高謝徵辟覃精載籍極事親之道得鄉
黨之譽優哉游哉聊以卒歲年八十有五無疾而終娶吳
郡張氏葬臨安縣署村大錢墓生二子曰仁哲仁昉

全唐文羅

隱文

錢仁昉 大宗譜傳司儀錢公諱仁昉字德純師寶公次子

性格端秀識量宏深少稟清規早懷幹濟舉孝廉高第拜
太子司儀郎遷長城令躬勤耕織賓興學校疲瘵蘇息逋
逃歸附家興禮樂之風民知謙讓之節任滿階臨耆老願
盼者干戶登車出境童稚攀轅者數程公之仁政感人者
如斯歸老家庭躬耕奉養載丁艱疾居喪合禮清風雅望
今古垂芳竟以壽終年八十有一娶本郡王氏生三子曰

碩崇碩琛碩直葬臨安縣石鏡鄉錢宅墓次

同上

錢起 李肇國史補郭曖尙昇平公主盛集文士卽席賦詩

公主帷而觀之李端中宴詩成有荀令何郎之句眾稱妙
絕或謂宿構端曰願賦一韻錢起曰請以起姓爲韻復有

金埒銅山之句暖大喜出名馬金帛爲贈是會也端擅場
送丞相王縉之幽朔韓翃擅場送丞相劉晏之巡江淮錢
起擅場

雲谿友議宣宗十二年前進士陳玩等五人應博學宏詞
選所司考定名第及詩賦論進訖上於延英殿詔中書舍
人李藩等對上曰凡考試之中重用字如何中書對曰賦
忌偏枯叢雜論則褒貶是非詩則緣題落韻只如白雲起
封中詩云封中白雲起是也其間重用文字乃是庶幾亦
非有常例也又曰孰詩重用字對曰錢起湘靈鼓瑟詩有
二不字詩曰善撫雲和瑟常聞帝子靈馮夷空自舞楚客
不堪聽逸韻諧金石清音發杳冥蒼梧來怨慕白芷動芳

馨流水傳湘浦悲風過洞庭曲終人不見江上數峯青上
覽錢公此年宏詞詩曰其一種重用文字他詩似不及錢
起起則今協律之子也合於匏革宮商卽變鄭衛文奏惟
謝朓云洞庭張樂地瀟湘帝子遊雲去蒼梧野水還江漢
流此若比鼓瑟一篇摛藻妍華無以加其前進宏詞詩重
用字者登科更明年考校起詩便付史選 劉長卿郎中
因人謂前有沈宋王杜後有錢郎劉李乃曰李嘉祐郎士
元焉得與予齊稱耶每題詩不言其姓但言長卿而已
雲仙雜記錢起字仲文與趙莒爲茶宴又嘗過長孫宅與
朗上人作茶會

舊唐書錢徽傳父起天寶十年登進士第起能五言詩初

從鄉薦寄家江湖常與客舍月夜獨吟遽聞人吟於廷曰
曲終人不見江上數峯青起愕然攝衣視之無所見矣以
爲鬼怪而志其一十字起就試之年李暉所試湘靈鼓瑟
詩題中有青字起卽以鬼謠十字爲落句暉深嘉之稱爲
絕唱是歲登第釋褐秘書省校書郎大厯中與韓翃李端
輩十人俱以能詩出入貴遊之門時號十才子形於圖畫
起位終尙書郎 李虞仲傳父端登進士第工詩大厯中
與韓翃錢起盧綸等文詠唱和馳名都下號大厯十才子
時郭尙父少子曖尙代宗女昇平公主賢明有才思尤喜
詩人而端等十人多在曖之門下每宴集賦詩公主坐視
簾中詩之美者賞百縑曖因拜官會十子曰詩先成者賞

時端先獻警句云薰香荀令偏憐小傅粉何郎不解愁主
卽以百縑賞之錢起曰李校書誠有才此篇宿構也願賦
一韻正之請以起姓爲韻端卽褻賤而獻曰方塘似鏡草
芊芊初月如鉤末上弦新開金埒教調馬舊賜銅山許鑄
錢曖曰此愈工也起等始服 盧簡辭傳父綸初大厯中
詩人李端錢起韓翃輩能爲五言詩而辭情捷麗綸作尤
工至貞元末錢李諸公凋落綸嘗爲懷舊詩五十韻敘其
事

鄭蕢才鬼記錢起寓宿驛舍聞窗外有人吟曰曲中人不
見江上數峯青數徧起怪之十年就試座主李暉試湘靈
鼓瑟句意久不屬遂以此二句結之乃中魁選

南部新書昇平公主卽席李端擅場送王相之鎮韓翃擅場送劉相巡江淮錢起擅場 大厯來自丞相已下出使作牧無錢起郎士元詩祖送者時論鄙之

新唐書藝文志錢起詩一卷 文藝盧綸傳綸與吉中孚韓翃錢起司空曙苗發崔峒耿緯夏侯審李端皆能詩齊名號大厯十才子起吳興人天寶中舉進士與郎士元齊名時語曰前有沈宋後有錢郎終考功郎中端趙州人郭曖嘗進官大集客端賦詩最工錢起曰素爲之請賦起姓端立獻一章又工于前客乃服

江鄰幾雜誌大厯十才子盧綸錢起郎士元司空曙李端李益李嘉祐耿緯苗發皇甫曾吉中孚共十一人或無吉

中孚有夏侯審

郡齋讀書志錢起詩二卷右唐錢起微之父也吳郡人天寶中舉進士初從鄉薦客舍月夜聞人哦于庭曰曲終人不見江上數峯青起攝衣從之無所見矣及就試詩題乃湘靈鼓瑟也起卽以鬼謠十字爲落句主文李暉深嘉之擢置高第釋褐授校書郎終考功郎士元齊名時曰前有沈宋後有錢郎 郎士元詩與錢起俱有詩名而士元尤更清雅時朝廷公卿出牧奉使若兩人無詩祖行人以爲愧 盧綸詩一卷右唐盧綸與吉中孚韓翃錢起司空曙苗發崔峒耿緯夏侯審李端皆能詩齊名號大曆十才子綸字允言累舉進士不第 李端司馬集三卷郭曖尙

昇平公主賢明招納士類故端等多從暖游嘗進官宴客
端席上賦詩甚工一坐稱歎錢起曰素爲之請賦起姓端
立獻一章云新開金埒看調馬舊錫銅山許鑄錢起乃服
主喜厚賜帛

直齋書錄解題錢考功集十卷唐考功員外郎吳興錢起
撰天寶十載進士世所傳湘靈鼓瑟詩斷句用鬼語者卽
其試作也蜀本作前後集十三卷

文苑英華九有錢起泰階六符賦二十五益地圖賦三十
七潢汙賦尺波賦五十二朝元閣賦八十一千秋節勤政
樓下觀舞馬賦八十四西海雙白龍見賦一百十二象環
賦一百十三豹舄賦二首一百十四圖畫功臣賦

漁隱叢話後集十七引夷白堂小集云錢起考功詩世所
藏本皆不同宗次道舊有五卷王仲至續爲八卷號爲最
完然如牛羊上山小烟火隔雲深鳥道挂疏雨人家殘夕
陽窮達戀明王耕桑亦近郊長樂鍾聲花外盡龍池柳色
雨中深此等句皆當時相傳爲警句而入卷無之知其所
遺多矣

老學庵筆記韓子蒼詩喜用擁字如車騎擁西疇船擁清
谿尙一樽之類出於唐詩人錢起城隅擁歸騎也

詩人玉屑三湘靈鼓瑟落句曲終人不見江上數峯青含
蓄不盡或謂錢起得之夢未必然也

困學紀聞十八唐以詩取士錢起之鼓瑟李肱之霓裳是

也原注錢起名在第六豹鳥賦

翁注錢起豹鳥二篇以兩徧用四聲爲韻

桂馥繆篆分韻有錢起印

唐詩品彙高仲武曰員外時格新奇理致清贍粵從登第
挺冠詞林文宗右丞許以高格右丞沒後員外爲雄芟齊
宋之浮游削梁陳之靡嫚迴然獨立莫之與京且如鳥道
挂疏雨人家殘夕陽又牛羊下山小烟水隔林深又長樂
鍾聲花外盡龍池柳色雨中深皆特出意表標準古今又
窮達戀明主耕桑亦近郊則禮義克全忠孝兼著足以弘
長名流爲後楷式

王維戴叔倫盧綸李端司空曙郎士元李嘉祐秦系耿緯
僧法照均有與錢起贈答詩見文苑英華全唐詩

日本河世甯全唐詩逸有錢起失題詩注云見祕府論詩云胡風迎馬首漢月學蛾眉久戍人將老長征馬不肥注按下二句卽郭震塞上詩中語此以爲錢起詩未詳何據通志別集類錢起詩一卷

宋史藝文志錢起詩十二卷

元辛文房唐才子傳錢起字仲文吳興人天寶十年李巨聯榜及第少聰敏承鄉曲之譽初從計吏至京口客舍月夜閒步聞戶外有行吟聲哦曰曲終人不見江上數峯青凡再三往來起遽從之無所見矣嘗怪之及就試粉闈詩題乃湘靈鼓瑟起輒就卽以鬼謠十字爲落句主文李暉深嘉美擊節吟咏久之曰是必有神助之耳遂擢置高第

釋褐授校書郎嘗操竹箭奉使入蜀除考功郎中大厯中
爲太清宮使翰林學士起詩體製新奇理法清密芟宋齊
之浮靡削梁陳之褻狎矯然獨立也王右丞許以高格與
郎士元齊名士林語曰前有沈宋後有錢郎集十卷今傳
子徽能詩外甥懷素能書一門之中名聲特甚可尙矣

四庫全書總目錢仲文集十卷唐錢起撰起字仲文吳郡
人天寶中舉進士官至考功郎中大厯以還詩格初變開
寶渾厚之氣漸遠漸漓風調相高稍趨浮響升降之關十
子實爲之職志起與郎士元其稱首也然溫秀蘊藉不失
風人之旨前輩典型猶有存焉其集唐志作一卷晁公武
讀書志作二卷今本十卷殆後人所分其中凡古體詩皆

題曰往體考陸龜蒙松陵集亦以古體為往體蓋唐代詩集標目有此二名偶然異文別無他義又集末江行絕句一百首胡震亨唐音統籤以為本錢翊之詩誤入起集有考辨甚詳然舊本流傳相沿已久且翊固起孫即附錄祖集之末亦無不可故今仍竝存之焉

按翊為徵之孫起之曾孫

錢竽

錢起集有九日寄姪竽箕等詩

錢箕

見上

同治湖州志錢箕大歷中武康縣丞

錢恂

錢起集有寒雲輕重色送子恂入京詩

按詩意不似送子語疑子

恂為一人之字
姑錄此待考

錢景秀

顧應祥長興縣志張文規斫射神廟記大歷七年

賊郎景聚茲山游奕將錢景秀率鄉村子弟盡斫射手遂
平草賊貞元三年立草屋稱斫射神

錢徽

舊唐書傳錢徽字蔚章吳郡人父起

錄前

徽貞元進士

擢第從事戎幕元和初入朝三遷祠部員外郎召充翰林
學士六年轉祠部郎中知制誥八年改司封郎中賜緋魚
袋職如故九年拜中書舍人十一年王師討淮西詔朝臣
議兵徽上疏言用兵累歲供饋力殫宜罷淮西之征憲宗
不悅罷徽學士之職守本官長慶元年爲禮部侍郎時宰
相段文昌出鎮蜀川文昌好學尤喜圖書古畫故刑部侍
郎楊憑兄弟以文學知名家多書畫鍾王張鄭之蹟在書
斷畫品者兼而有之憑子渾之求進盡以家藏書畫獻文

昌求致進士第文昌將發面託錢徽繼以私書保薦翰林
學士李紳亦託舉子周漢賓於徽及榜出渾之漢賓皆不
中選李宗閔與元稹素相厚善初稹以直道譴逐久之及
得還朝大改前志由逕以徽進達宗閔亦急於進取二人
遂有嫌隙楊汝士與徽有舊是歲宗閔子壻蘇巢及汝士
季弟殷士俱及第故文昌李紳大怒文昌赴鎮辭日內殿
面奏言徽所放進士鄭朗等十四人皆子弟藝薄不當在
選中穆宗以其事訪於學士元稹李紳二人對與文昌同
遂命中書舍人王起主客郎中知制誥白居易於子亭重
試內出題曰孤竹管賦烏散餘花落詩而十人不中選詔
曰國家設文學之科本求才實苟容僥倖則異至公訪聞

近日浮薄之徒扇爲朋黨謂之關節干撓主司每歲策名無不先定永言敗俗深用興懷鄭朗等昨令重試意在精覈藝能不於異書之中固求深僻題目貴令所試成就以觀學藝淺深孤竹管是祭天之樂出於周禮正經閱其呈試之文都不知其本事辭律鄙淺蕪累亦多比令宣示錢徽庶其深自懷愧誠宜盡棄以警將來但以四海無虞人心方泰用宏甯撫式示殊恩特掩爾瑕庶明予志孔溫業趙存約竇洵直所試粗通與及第裴讓特賜及第鄭朗等十人並落下白今後禮部舉人宜準開元二十五年敕及第訖所試雜文并策送中書門下詳覆尋貶徽爲江州刺史中書舍人李宗閔劔州刺史右補闕楊汝士開江令初

議貶徽宗閔汝士令徽以文昌李紳私書進呈上必開悟

徽曰不然苟無愧心得喪一致修身慎行安可以私書相

證耶令子弟焚之人士稱徽長者既而穆宗知其朋比之

端乃下詔告諭文繁不錄元稹之辭也制出朋比之徒如撻於

市咸睚眦於紳稹徽明年遷華州刺史潼關防禦鎮國軍

等使文宗即位徽拜尚書左丞太和元年十二月復授華

州刺史二年秋以疾辭位授吏部尚書致仕三年三月卒

時年七十五子可復可及皆登進士第同憲宗紀元和十

一年正月庚辰翰林學士錢徽蕭俛各守本官以上疏請

罷兵故也 穆宗紀長慶元年三月敕今年錢徽下進士

及第鄭朗等一十四人宜令中書舍人王起主客郎中知

制誥白居易等重試以聞四月丁丑詔鄭朗等重試辭律
鄙淺令宣示錢徽庶其深自懷愧貶禮部侍郎錢徽爲江
州刺史 文宗紀太和元年二月丙辰以華州刺史錢徽
爲尙書右丞十一月以尙書左丞錢徽爲華州鎮國軍使
三年正月庚寅吏部尙書致仕錢徽卒 李宗閔傳長慶
元年子壻蘇巢於錢徽下進士及第其年單覆落宗閔涉
請託貶劔州刺史時李吉甫子德裕爲翰林學士錢徽榜
出德裕與同職李紳元稹連衡言於上前徽受請託所試
不公故致重覆比相嫌惡因是列爲朋黨 柳公綽傳性
端介寡合與錢徽蔣乂杜元穎薛存誠文雅相知交情款
密凡六開幕府得人尤盛錢徽掌貢之年鄭朗覆落公綽

○錄曰者古錄卷二
三
將赴襄陽首辟之朗竟爲名相 白居易傳長慶元年三
月受詔與中書舍人王起覆試禮部侍郎錢徽下及第人
鄭朗等一十四人

逸史皇甫弘應進士舉華州取解酒忤於刺史錢徽被逐
出至陝州求解訖將越城關聞錢自華知舉自知必不中
第遂東歸行數程因寢夢其亡妻乳母曰皇甫郎方應舉
今欲何去具言主司有隙乳母曰皇甫郎須求石婆神乃
相與去店北草間行數里入一小屋中見破石人生拜之
乳母曰小娘子壻皇甫郎欲應舉婆與看得否石人點頭
曰得乳母曰石婆言得卽必得矣他日莫忘報賽生卽拜
謝乳母卻送至店門遂驚覺曰我夢如此分明安至無驗

乃卻入城應舉錢侍郎意欲挫之放雜文過侍郎私心曰
人皆知我怒弘今若庭辱之卽不可但不與及第卽得又
令帖經及榜成將寫錢心恐懼欲改一人換一人皆未決
反覆籌度近至五更不睡謂子弟曰汝試取次把一帙舉
人文章來旣開乃皇甫文卷錢公曰此定於天也遂不改
移及第東歸至陝州問店人曰側近有石婆神否皆笑曰
郎君安得知本頑石一片牧牛小兒戲爲敲琢似人形狀
謂之石婆耳只在店二三里生乃具酒脯與店人共往皆
夢中經歷處奠拜石婦而歸

太平廣記二百七十八

新唐書傳錢徽字蔚章父起附見盧綸傳徽中進士第居

穀城穀城令王郢善接僑士游客以財貨饋坐是得舉觀

○ 鍾曰者古鍾卷二 二六
察使樊澤視其簿獨徽無有乃表署掌書記蔡賊方熾澤
多募武士于軍澤卒士頗希賞周澈主留事重擅發軍廩
不敢給時大雨雪士寒凍徽先冬頒衣絮士乃大悅又辟
宣歙崔衍府王師討蔡檄遣采石兵會戰戍還頗驕蹇會
衍病亟徽請召池州刺史李遜署副使遜至而衍死一軍
賴以安入拜左補闕以祠部員外郎爲翰林學士三遷中
書舍人加承旨憲宗嘗獨召徽從容言宅學士皆高選宜
預聞機密廣參決帝稱其長者是時內積財圖復河湟然
禁無名貢獻而至者不甚卻徽懇諫罷之帝密戒後有獻
毋入右銀臺門以避學士梁守謙爲院使見徽批監軍表
語簡約歎曰一字不可益邪銜之以論淮西事忤旨罷職

徙太子右庶子出虢州刺史入拜禮部侍郎宰相段文昌以所善楊渾之學士李紳以周漢賓竝諉徽求致第渾渾之者憑子也多納古帖祕畫于文昌皆世所寶徽不能如二人請自取楊殷士蘇巢巢者李宗閔壻殷士者汝士之弟皆與徽厚文昌怒方帥劔南西川入辭卽奏徽取士以私訪紳及元稹時稹與宗閔有隙因是共擠其非有詔王起白居易覆試而黜者過半遂貶江州刺史汝士等勸徽出文昌紳私書自直徽曰苟無愧于心安事辨證邪敕子弟焚書初州有盜劫貢船捕吏取濱江惡少年二百人繫訊徽按其枉悉縱去數日舒州得眞盜州有牛田錢百萬刺史以給宴飲贈餉者徽曰此農耕之備可侘用哉命代

貧民租入轉湖州時宣歙早左丞孔戣請徙徽領宣歙宰相以其本文辭進不用戣曰相君宜知天下事徽江虢之治不及知況其宅邪還遷工部侍郎出爲華州刺史文宗立召拜尙書左丞會宣墨麻羣臣在廷方大寒稍稍引避徽素恭謹不去位久而仆因上疏告老不許大和初復爲華州俄以吏部尙書致仕卒年七十五贈尙書右僕射徽與薛正倫魏弘簡善二人前死徽撫其孤至婚嫁成立任庶子時韓公武以賂結公卿遺徽錢二十萬不納或言非當路可無讓徽曰取之在義不在官時稱有公望子可復方義可復死鄭注時方義終太子賓客子珣字瑞文善文辭宰相王搏薦知制誥進中書舍人搏得臯珣貶撫州司

馬 選舉志侍郎錢徽所舉送覆試多不中選由是罷官

李絳傳詔絳與崔羣錢徽韋弘景白居易等搜次君臣
成敗五十種爲連屏張便坐 王起傳錢徽坐貢舉失實

貶詔起覆核起建言以所試送宰相閱可否然後付有司

詔可 李宗閔傳長慶初錢徽典貢舉宗閔託所親於徽

而李德裕李紳元稹在翰林有寵於帝共白徽納于丐取

士不以實宗閔坐貶劔州刺史

唐會要錢徽諡曰貞

白居易韓愈劉禹錫元稹孟郊王建令狐楚劉得仁釋無

可均有與錢徽贈答詩各見本集及文苑英華全唐詩

白氏長慶集有錢徽制詞

洪遵翰苑羣書載唐韋執誼翰林院故事云元和已後錢
徽左補闕充祠外又充中人又充出守本官又唐丁居晦
重修承旨學士壁記元和後二人四人錢徽元和三年八
月二十六日自祠部員外郎充六年四月二十五日加本
司郎中八年五月九日轉司封郎中知制誥十一月賜緋
十年七月二十三日遷中書舍人十一月出守本官

容齋隨筆唐穆宗長慶元年禮部侍郎錢徽知舉放進士
鄭朗等三十三人後以段文昌言其不公詔中書舍人王
起知制誥白居易重試駁放盧公亮等十人貶徽江州刺
史白公集有奏狀論此事

文獻通考三十開元以後始以禮部侍郎知貢舉送中書

門下詳覆然惟元和間錢徽爲侍郎知貢舉宰相段文昌言其取士不公覆試多不中選徽坐免官長慶以後則禮部所取士先詳覆而後放榜則雖有詳覆之名而實未曾再試矣

宋敏求長安志九唐京城常樂坊有吏部尙書致仕錢徽宅文苑英華卷七百八十三符載劔南西川幕府諸公寫真

贊中有大理錢評事徽字文美一首

按徽傳未嘗任大理評事劔南幕職此字

文美疑別是一人姓名偶同附識待考

錢可復西陽雜俎五衆言石旻有奇術寶厯中石隨錢徽尙書至湖州常在學院子弟皆以丈呼之於錢氏兄弟求兔湯餅時暑月獵師數日方獲因與子弟共食笑曰可留

兔皮聊志一事遂釘皮於地壘鑿塗之上朱書一符獨言
曰恨校遲錢氏兄弟詰之石曰欲共諸君共記卯年也至
太和九年錢可復鳳翔遇害歲在乙卯

太平廣記七十
八引集異記同

舊唐書錢徽傳子可復可及皆登進士第可復累官至禮
部郎中太和九年鄭注出鎮鳳翔李訓選名家子以爲賓
佐授可復檢校兵部郎中兼御史中丞充鳳翔節度副使
其年十一月李訓敗鄭注誅可復爲鳳翔監軍使所害

文宗紀太和九年十月丁亥禮部郎中錢可復授鳳翔府
判官從鄭注奏請也十二月己卯鳳翔監軍使奏鄭注判
官錢可復等四人並處斬訖 盧簡辭傳兄簡能太和九
年由駕部員外郎檢校司封郎中充鳳翔節度判官時鄭

注得幸李訓與之謀誅宦官俾注鎮鳳翔仍妙選當時才
俊以爲賓佐簡能與蕭俛弟傑錢徽于可復皆爲訓所選
從注及訓敗注誅簡能蕭傑等四人皆爲監軍使所害

新唐書鄭注傳檢校尚書左僕射鳳翔隴右節度使詔月
入奏事請察屬於訓訓與舒元興謀殺注慮其豪俊爲助
更擇臺閣長厚者以錢可復爲副注聞訓敗其屬魏弘節
勸注殺監軍張仲清注不暇聽仲清訪注計事斬其首可
復等及親卒千餘人皆族矣可復者徽子也可復將死女
年十四爲祈免女曰殺我父何面目以生抱可復求死亦
斬之

文苑英華一百八十五有錢可復鶯出谷詩

全唐詩有姚合九日寄錢可復詩

劉禹錫有和州送錢侍御自宣州幕拜官便於華州覲省

詩

按疑卽可復也

文苑英華九百九十四符載爲錢侍御太夫人祭新婦文

按疑卽可復

錢方義 續玄怪錄殿中侍御史錢方義故華州刺史禮部

尚書徽之子寶歷初獨居長樂第夜如廁僮僕從者忽見
蓬頭青衣數尺來逼方義初懼欲走又以鬼神之來走亦
何益乃強謂曰君非郭登耶曰然曰與君殊路何必相見
常聞人若見君莫不致死豈方義命當死而見耶方義家
居華州女兄依佛者亦在此一旦溘死君手命不敢惜願

人弟之情不足能相容面辭乎蓬頭者復曰登非害人出
亦有限人之見者正氣不勝自致天橫非登殺之然有心
曲欲以託人以死久不敢出惟貴人福祿無彊正氣充溢
見亦無患故敢出相求耳方義曰何求對曰登久任此職
積効當遷但以福薄須人助貴人能爲寫金字金剛經一
卷一心表白迴付與登卽登之職遂乃小轉必有後報不
敢虛言方義曰諾蓬頭者又曰登以陰氣侵陽貴人雖福
力正強不成疾病亦當有少不安宜急服生犀角生玳瑁
麝香塞鼻則無苦方義至中堂悶絕欲倒遽服麝香等並
塞鼻則無苦父門人王直方者居同里久於江嶺從事飛
書求得生犀角又服之良久方定明旦選經工令寫金字

金剛經三卷令早畢功畢飯僧迴付郭登後月餘歸同
州別墅下馬方憇丈人有姓裴者家寄鄂渚別已十年忽
自門入徑至方義階下方義遂遽拜之丈人曰有客且出
門遂前行方義從之及門失之矣見一紫袍象笏導從緋
紫吏數十人俟於門外俛視其貌乃郭登也歛笏前拜曰
弊職當遷只消金剛經一卷貴人仁念特致三卷今功德
極多超轉數等職位崇重爵位貴豪無非貴人之力雖職
已驟遷其廚仍舊頃者當任實如鮑肆之入今既別司復
求就食方知前苦殆不可堪貴人量察更爲轉金剛經七
遍卽改廚矣終身銘德何時敢忘方義曰諾因問丈人安
在曰賢丈江夏寢疾今夕方困神道求人非其親導不可

自己適詣先歸耳又曰廁神每月六日例當出巡此日人
逢必致災難人見卽死見人卽病前者八座抱病六旬蓋
言登巡畢將歸瞥見半面耳親戚之中遞宜相戒避之也
又曰幽冥吏人薄福者衆無所得食率常受餓必能食推
食泛祭一切鬼神此心不忘咸見斯衆暗中陳力必救災
厄方義曰晦明路殊偶得相遇每一奉見數日不平意欲
所言幸於夢寐轉經之請天曙爲期唯唯而去及明因召
行敬僧念金剛經四十九遍及明祝付與郭登功畢夢曰
本請一七數又六之累計其功食天廚矣貴人有難當先
奉白不爾不來贖也泛祭之請記無忘焉

太平廣記三百四十六

新唐書錢徽傳子可復方義方義終太子賓客

按舊書錢徽傳子可復

可及新書傳子可復方義
方義蓋即可及字以字行

錢子辛 韋應物南池宴錢子辛賦得科斗臨池見科斗美

爾樂有魚不憂網與鉤幸得免為魚且願充文字登君尺

素書 此詩又見岑參集題作南池宴錢子辛賦得科斗子

錢子濤 雲谿友議李相公紳督大梁日聞鎮海軍進健卒

四人一曰富蒼龍二曰沈萬石三曰馮五千四曰錢子濤

悉能拔擢角觝之戲既召至果然趨徑翌日於毬場內犒

勞以駕車老牛筋皮為炙狀瘤魁之鬻坐四輩於地茵大

梓令食之萬石等三人視炙堅麤莫敢就食獨五千瞋目

張口兩手捧炙如虎啖肉丞相曰真壯士也可以撲殺西

胡醜夷又令試觝戲蒼龍等亦不利獨五千勝之十萬之

衆爲之披靡於是獨進五千蒼龍等退還本道

錢衆仲

文苑英華七十九有錢衆仲舞中成八卦賦百八

十六錢衆仲玉壺冰五言六韻詩百八十七錢衆仲貢院

樓新栽小松五言六韻詩

錢宗

輿地紀勝普州有錢宗寄賈島詩

錢華

周密遊閩古泉記至元丁亥九月四日余偕錢菊泉

至天慶觀訪褚伯秀遂同道士王磐隱遊寶蓮山韓平原

故園襍傍有開成元年六月南嶽道士邢令聞錢塘縣令

錢華題名道士諸葛鑑元鑄之石上

杭州吳山有唐開成五年六月十八日南嶽道士邢□錢

塘縣令錢華記

與癸辛雜誌所載不同

錢處實 仁和縣祥符寺內唐開成二年經幢記捨錢助緣
人有錢處實幢下截題名有錢李榮

錢李榮 見上

錢異 山陰戒珠寺唐會昌元年經幢檀樾主有錢異

錢懷 唐會昌元年十一月二十八日湖州天甯寺經幢記

捨錢五百文人錢懷

今在歸安天甯寺後

錢庄 唐會昌三年經幢下截記捨錢人有錢庄二千 唐

大宗元年十一月二十八日湖州天甯寺經幢記捨錢二

千錢庄

錢陽詮 唐大中二年八月三十一日湖州天甯寺經幢助

緣人錢陽詮錢惠錢口錢士元

錢惠 見上

錢口 見上

錢士元 見上

錢元頓 唐大中五年正月二十一日湖州東林山祇園寺

經幢記錢元頓

今在歸安東林山祇園寺

錢頊戴 唐大中五年五月二十一日湖州東山祇園寺經

幢下截捨錢人名錢頊戴錢惟口

錢惟口 見上

錢信 唐大中十一年十一月十五日婺州金華縣南法隆

寺經幢下截記捨錢人有錢信五貫文施主錢徹三貫文

錢儒錢殷錢口錢緒錢咄錢慙錢珪錢直錢公亮錢廣

錢徹

錢儒

錢殷

錢口

錢緒

錢咄

錢慤

錢珪

錢直

錢公亮

錢廣

均見上

錢眞 唐咸通二年正月十八日蕭山覺苑寺經幢記捨錢

人有錢眞并男女等捨一千文造護淨人名有錢成

錢成 見上

錢元榮 唐咸通十年五月二十八日鄞縣阿育王寺經幢

記名有錢元榮錢雅錢揆

錢雅 見上

錢揆 見上

錢卿 全唐詩有章孝標次韻和光祿錢卿二首又贈廬山

錢卿一首

錢判官 孟郊有和宣州錢判官使院廳前石南樹詩

錢知進 白氏長慶集寄題廬山舊草堂兼呈二林寺道侶

詩自注此詩憑錢知進侍御往題草堂中也

錢珣 唐傅亮靈應錄右丞錢珣與裴安居近珣病死再宿

而活言於妻子曰人召云命已終然平生無作罪業便再

為男子遂去市人畢瑫家託身入見其家雖門戶低小而

物力甚豐其畢氏妻有孕月數足將有所育忽一使者持

帖奔至云誤矣合在裴家為男此非也又隨使者到裴家

見其妻使者云當在斯為子緣裴氏妻月數未滿故令其

回此去四十日壽當終爾及期而卒裴家是日果產一男

容色有似右丞訪畢氏之子皆如所說

錄聞奇錄二帙合之即陳明蔡羽跋云靈應

錢碩直 太宗譜傳檢校司空錢公諱碩直字文甫司儀公

氏葆光集不知孰為先後

第三子生而俊秀身長七尺眉舒目明好學耽書識洞經
史精於天文歷數兼通地理元奧常登石鏡高峰視前後
山水形勢歎曰峰巒擁抱龍虎盤旋氣象深沉必出豪傑
鍾其運者其我家子孫乎時海內晏如江左豐阜公以祖
德高尚忘其軒冕韜光晦迹堅隱邱園翫水尋山逍遙自
適於是江表知公之名山林超俗之士多求訪而交遊焉
然而稼穡以躬京坻歲積調贍三族給奉燕遊徧及鄉黨
人莫不感其德者迨極齒暮厥德彌芳壽七十有九終於
正寢娶夫人本郡陳氏生三子曰湛曰滉曰沛公與夫人
合葬臨安縣石鏡鄉錢宅墓側梁朝以元孫進封吳越爵
追贈尚書檢校司空夫人贈太安太夫人

全唐文羅隱文

按吳越備史

清風室校刊

皮光業武肅王廟碑均言武肅為唐巢國公九隴之後羅
隱身事武肅豈有味其先世者乃大宗譜傳於唐初有
元修二傳而無九隴傳於武肅高祖碩宣傳與十國春秋
引錢氏家乘略同亦見此大宗譜諸傳出於錢氏譜而非
隱文之
一證

錢沛 吳越備史武肅王曾祖諱沛唐宣州旌德縣令累贈

更部尚書左僕射追封洪勝王曾祖妣童氏追封齊國太

夫人

按錢氏大宗譜尚有錢沛錢宙錢寬列傳三首考隱
卒於梁開平二年不應為乾化已後之文今皆刪去

錢氏家乘沛字子霧父碩宣於朱梁時贈尚書檢校司空

娶陳氏子三曰湛曰滉曰沛沛年七十八卒唐以武肅功

贈禮部郎中加諫議大夫梁追贈尚書左僕射諡宏勝王

沛娶東莞童氏贈趙國太夫人建廟武林子二曰宇曰宙

十國春秋天
寶三年註引

錢宙 吳越備史武肅王祖諱宙累贈太尉追封建初王祖妣水邱氏累封楚國太夫人追封晉國九華太夫人

錢氏家乘宙字遵古喜讀楊子太元卜築於鏡山寢疾時武肅已鵠起侍醫藥不脫帶竟終於錦軍城唐贈太府卿加太尉同中書門下平章事梁追諡建初王子一曰寬

春秋天寶三年註引

錢寬 吳越備史武肅王皇考諱寬威勝軍節度推官職方郎中守太府少卿累贈禮部尙書開府儀同三司守太師中書令追封英顯王皇妣水邱氏累贈秦國太夫人追封趙國太玄太夫人乾甯二年四月乙巳皇考太師薨天復元年九月壬子皇妣秦國太夫人水邱氏薨

錢氏家乘詔加寬朝散大夫檢校禮部尚書賜第茅山十國

春秋乾甯元年六月註引寬字宏道乙卯四月十八日卒年六十一

十國春秋乾甯二年四月註引

錢芸生 雲仙雜記錢芸生好讀離騷手不暇揭忘其肉味

半月如齋

錢字 全唐詩有朱慶餘題錢字別墅詩

錢契明 全唐詩有李元用送錢契明尊師歸廬山詩韓偓

花時與錢尊師同醉因成二十字詩

錢時卿 文苑英華二百八十有方干送錢時卿赴職天台

詩

錢戴 全唐詩有錢戴清谿館作詩

錢汝州 許渾集有酬錢汝州詩并序云汝州錢中丞以渾
赴郢城見寄佳什恩憐過等寵飾逾深雖吟詠忘疲實楷
模不及輒率荒淺依韻獻酬

錢太尉 羅隱集寄竇澤處士詩不是金陵錢太尉世間誰
肯更容身

錢雍 輿地紀勝江州唐狄梁公碑在彭澤縣唐皮日休撰
錢雍書

錢公 吳郡志三十六興福寺再修功德記先是大檀越主
吳興錢公來吳郡顧罕汝南周坦與彼親友兼募信士助
修塑像添建殿堂云云時中和四年六月五日記

錢珣 舊唐書昭宗記龍紀元年十一月辛亥上宿齋於武

德殿宰相百寮朝服于位時兩軍中尉楊復恭及兩樞密
皆朝服侍上太常博士錢翊李綽等奏論之曰皇帝赴齋
宮內臣皆服朝服臣檢國朝故事及近代禮令並無內官
朝服助祭之文伏惟皇帝陛下承天御歷聖祚中興祇見
宗祧克陳大禮皆稟高祖太宗之成制必循虞夏商周之
舊經軒冕服章式遵彝憲禮院先准大禮使牒稱得內侍
省牒要知內臣朝服品秩禮院已准禮令報訖今參詳近
朝事例若內官及諸衛將軍必須製冠服卽各依所兼正
官隨資品依令式服本官之服事存傳聽且可俯從然亦
不分明著在禮令乞聖慈允臣所奏狀入至晚不報錢翊
又進狀曰臣今日巳時進狀論內官冠服制度未奉聖旨

伏以陛下虔事郊禋式遵彝範凡關典禮必守憲章今陛下行先王之大禮而內臣遂服先王之法服來日朝獻大聖祖臣贊導皇帝行事若侍臣服章有違制度是爲非禮上瀆祖宗臣期不奉敕臣謬當聖代叨備禮官獲正朝儀死且不朽脂膏泥滓是所甘心狀入降朱書御札曰卿等所論至當事可從權勿以小瑕遂妨大禮於是內四臣遂以法服侍祠

經籍志錢珣舟中錄二十卷

新唐書藝文志同

新唐書錢徽傳子可復方義方義終太子賓客子珣字瑞文善文辭宰相王搏薦知制誥進中書舍人搏得舉珣貶撫州司馬

冊府元龜一百二十四崔沂仕唐昭宗知制誥嘗與同舍

顏蕘錢翊俱秉筆見蕘翊贍速草制數十無妨談笑而沂
自媿翼日謁國相訴曰沂疏賤不足以供詞翰之職相輔
然之

文苑英華載錢翊文三百八十制詞一首三百八十二三
首三百八十三四首三百八十四二首三百八十六二首
三百八十九一首三百九十一首三百九十二一首三百
九十三一首三百九十四二首三百九十六三首三百九
十七八九各一首四百二首四百一六首四百二七首四
百三四各一首四百六一首四百七十二首四百九四首四
百十一四首四百十二三首四百十三五首四百十四二
首四百十六四首四百十七三首四百十九十首四百四

十五五首四百四十六一首四百五十一一首五百六十
一爲宰相賀雨表五百七十四爲崔相讓表三首五百七
十五表十四首五百八十六六首五百八十三七首五百
九十一一首五百九十五五百九十七各二首六百八九
各二首六百十一一首六百十六一首六百二十五一首
六百三十一狀一首七百七舟中錄序

唐大詔令錢珣撰宗正少卿嗣鄭王遜大理卿制

輿地紀勝巴州唐李繼顏誥詞刻於郡廳唐光化三年中
書舍人錢珣行

元辛文房唐才子傳錢珣吳興人起之孫也乾甯六年鄭
壽榜及第昭宗時仕爲中書舍人工詩有集傳于世

甯疑符字

之誤

胡震亨唐音統籤云江行無題一百首舊作錢起詩今考詞繫遷謫塗中雜詠起無謫宦事而珣自中書謫撫州其舟中集序云秋八月從襄陽浮江而行詩中峴山沔武昌匡廬鄱陽潯陽諸地經途所歷一一脗合而秋半九日尤爲左驗其爲珣詩無疑蔡寬夫詩話云江行百首錢蒙仲得之他本因以傳世元非起集之舊宋人語更可據今與起集並存

全唐詩小傳顧雲大順中與羊昭業盧知猷陸希聲錢珣馮渥司空圖等分修宣懿德三朝實錄
宋史藝文志錢珣制集十卷又舟中錄二十卷

通志制誥類舟中錄二卷唐中書舍人錢珣撰

養新錄十九唐詩紀事以錢珣爲吏部尙書徽之子考唐書徽傳徽子可復方義方義之下乃云子珣是珣爲方義之子非徽子矣珣以宰相王搏薦知制誥進中書舍人搏得罪珣貶撫州司馬考王搏罷相在昭宗乾甯三年丙辰珣之貶斥當在此時而韓文公薦徽自代狀稱其年輩皆在臣前文公生於大厯戊申至乾甯丙辰已百二十九年矣而徽又長於文公其子恐無逮事昭宗者計有功殆誤會唐書之文也唐書珣字瑞文與名相應而紀事作端文亦誤

錢道士 咸淳臨安志六十九錢道士杭州臨安人初從太

守令狐纁至京師因往成都玉局觀觀黃籙道場忽有一道士杖劍持水紫衣魏冠周行醮壇至錢坐前以所持水令飲之極甘錢自此絕食乾符間常來往京師

元吳自牧夢梁錄十七歷代方士門有錢道士列在唐時

人中

錢朗沈份續神仙傳錢朗字內光洪州南昌人也

說郛

神仙通鑑錢朗字內光南昌人開成初爲安南都護副使後爲光祿卿歸隱廬山師東嶽道士徐鈞得補腦還元復鍊長生之術昭宗世錢唐彭城王錢鏐慕朗得道長年乃迎就錢唐師事之時朗已一百五十餘歲童顏輕健元孫數人皆以明經進身仕爲宰官

山堂肆考錢朗南昌人仕唐累官光祿大夫文宗朝歸隱
廬山得補腦還元之術元孫數人已皓首矣而朗顏貌猶
如童子一日語家人曰我適爲上清所召今去矣俄氣絕
數日顏色如生年一百七十餘歲
湧幢小品卷二十四唐南昌人錢朗累官光祿卿百七十
乃卒自注出一統志

萬姓統譜錢朗南昌人讀書西山以五經登科仕累官至
光祿卿文宗朝歸隱廬山得補腦還元之術錢鏐延致于
杭禮之如師立孫數人皆以明經爲縣宰已皓首矣而朗
猶如童子一日與家人曰我適爲上清所召今去矣俄氣
絕數日顏色如生舉棺尸解去時年一百七十歲

錢爽 吳越備史光啓二年以監陣使錢爽守雙童

錢顏 吳越備史乾甯三年五月陳章充右副指揮使與錢

顏攻關子門

錢若愚 北夢瑣言唐乾甯中雲安縣漢城宮道士楊雲外

常以酒自晦而行止異常前進士錢若愚甚敬之一日齋

沐詣其山觀宿於道齋翌日虔誠檢衽而白之曰師文字

凡鄙神仙之事雖聆其說果有之乎楊曰有之我卽其人

也若示以飛空躡虛履水蹈火卽日有千萬人就我不亦

煩褻乎因騰躍上升冉冉在空中良久而下若愚稽顙白

是信有神仙矣

太平廣記四十引
按今本佚此條

錢亮 江淮異人錄錢處上天祐末游于江淮嘗止於金陵

楊某家初吳朝以金陵爲州築城西接江東至潮溝錢指城西荒穢之地勸楊買之楊從其言及建爲都邑而楊氏所買地正在繁會之處乃構層樓爲酒肆焉處士常宿于楊家中夜忽起謂人曰地下兵馬喧闐云接令公聒我不得眠人皆莫之測也明日義祖自京口至金陵時人無有預知者嘗見一人謂之曰爾天罰將及可急告謝自責人曰我未省有過錢曰爾深思之人良久乃曰昨日飲食不如意因怒其下棄食於溝中錢曰正是此爾可急取所棄食之人乃取之將以水汰去其穢俄而雷電大震錢曰急并穢食之如言而雷電果息嘗有人圖錢之狀錢見之曰吾反不若此常對聖人也人不悟後有僧取其圖置于誌

公塔中人以為應後烈祖取之入宮陳之於內寢焉又每為讖語說東方事言李氏祚髣髴一倍楊氏初吳奄有江淮之地凡四十六年而李氏三十九年或謂楊氏自稱尊號至禪代二十五年故彷彿倍之耳

五代史吳世家注

十國春秋吳傳錢亮江淮布衣也人皆稱為錢處士語人曰金陵王氣復興當有申生子應運于此及徐知誥為昇州刺史亮謁之退謂左右曰建業之地復興帝都即郡侯是也後溫徙知誥于潤因廣修廨署闢布城隍期已當之亮曰此故修道主也至南唐禪代先主實生于戊申與亮言合封亮為霸國先生

景定建康志十二同

魯應龍閑窗括異志錢處士嘗見一人謂曰爾天罰將及

可急告謝其人曰某生平無過但昨日飲食不如意棄於溝中錢曰是也可急取食之乃以水汰去其穢俄雷電方震錢曰急并穢食之雷電果息

錢棲業

直齋書錄解題太虛潮論一卷永泰縣令錢棲業

述末稱天祐六年

宋史藝文志錢棲業太虛潮論一卷

明陳第世善堂書目同

錢鏐

湖州牧守表開平四年爲刺史

五代史吳世家揚隆演卽吳王位以柴再用錢鏐爲左右龍武統軍

錢鏐

陳善杭州志錢鏐字補軒武肅王第五子善丹青

按弟

誤子

錢傳璟

談鑰吳興志湖州府治公廨梁乾化二年檢校少

保錢傳璟重建

湖州牧守表錢傳璟乾化元年自婺州刺史攝二年正月

授

錢傳瓚

萬姓統譜錢傳瓚吳越明州刺史有善政及卒吏

民感其遺愛爲之立祠

錢儂

萬姓統譜錢儂後唐温州刺史簡儉洞曉政術吏不

敢欺置簿書以均役民感其惠後移蘇州民有携家從之

者曰隨使戶

錢元懿

萬姓統譜錢元懿字秉輝梁開平間判婺州有異

政州每歲三月大風雨爲怪壞民廬舍元懿至風雨自山

南過人皆異之

天中記一百九十九錢元懿為新定時有士方生人號為龜精常疏卜辭以貽元懿曰太乙接天河金華寶貝多君侯六十六別處不經過後皆如其言

萬曆金華府志吳越清海節度使判婺州錢元懿墓在縣東北六里名勝志地名河溪墓有巨碑未刻而石羊虎之

類凡十餘頭雍正浙江通志二百三十八引

錢元弼 正德崇德縣志吳越金吾將軍錢元弼墓在洲錢

市元弼任秀州刺史官至金吾上將軍里人呼為將軍墳

按十國春秋元弼亦武肅王子也文穆王初置秀州以元弼為刺史 雍正浙江通志二百三十六

萬姓統譜錢元弼字德之吳越秀州刺史州初建元弼蒞

○錢氏考古錄卷二

三

清風室校刊

政有方以最課稱

錢元璫 全唐詩大慶堂賜晏呈吳越王四首姓當為錢元璫所作惜不載所出書名據十國春秋元璫為武肅子備

史建隆元年三月甲寅大慶堂成王舊邸也當忠懿王立

十三年

錢元珣 嚴陵志州城能仁院有一鐘制度頗工吳越錢元

珣鑄

錢元璿 嘉禾百詠考烟雨樓在秀水澆湖之濱吳節度使

廣陵王錢元璿建

錢元球 湖州牧守表龍德二年四月自明州刺史移湖州

後歸印綬於杭

錢元璿 湖州牧守表龍德三年四月自指揮使檢校司徒

天中記一百八十八卷錢元璿為海寧縣首士以出入

授湖州刺史卒官

錢仁捷 湖州牧守表天成二年六月自檢校太保授湖州刺史後加防禦罷任

錢文奉 萬姓統譜錢文奉鏐孫字廉卿善騎射能上馬運槊涉獵經史音律圖籍醫藥皆冠一時歷太尉中書令所著有賢語三十卷

錢文殷 錢鏐上虞縣舜井得寶物記有云寶正四年六月二十九日差錢文殷祭神

錢連 通鑑開運元年閩朱文進連重遇使拱宸馬步使錢連弒曦於馬上

錢章仁 兩浙名賢錄錢章仁肇浦城人仕後周爲檢校尙

書工部侍郎兼耀武將軍有功於時廣仁中徙居桐廬安
定鄉之窰石居仁行義鄉人敬服之

錢師勇

吳越乙未歲

清泰二年

十二月十一日經幢記名有錢

師勇錢德安勾當人長直都都子虞候錢琛

今在天竺寺

錢德安

見上

錢琛

見上

錢明

漢乾祐二年七月十一日西湖水樂洞大慈山經幢

記名有錢明

今在虎跑寺

錢金

吳越烟霞洞石塔題名左壁錢金

錢口錢安右壁錢

武錢五娘錢三娘錢仁口錢仁保

錢口

錢安

錢武

錢仁□

錢仁保 均見上

錢承德 吳越備史宗獻王時錢承德家火俯邇內城令親軍援之

錢超 吳興備志吳越宣德軍節度使錢超墓在長興縣西七里白蓮山

錢珣 謝啟昆粵西金石略南漢乾亨寺銅鐘款文有弟子錢珣時大寶四年辛酉當宋建隆二年